

Jurdana Uriarte Lejarraga Bermeoko Udaleko IDAZKARI NAGUSIAREN

23/2020 TXOSTENA

Gaia: COVID-19 dela eta ordenantza fiskaletan aldaketak onartzea

Txostenaren oinarria: Toki Erakundeen Izaera Nazionalako Gaikuntzadun Funtzionarioen Araubide Juridikoa onartzen duen martxoaren 16ko 128/2018 Errege Dekretuaren 3.3.d.1 artikulua

1. Aurrekariak

Lehena.- 2020ko apirilaren 15ean idazkari honek jaso du 2020ko apirilaren 20ko Informazio Batzordean diktaminatzeko proposatzen den ordenantza fiskalen aldakuntza espedientea.

2. Oinarri juridikoak

2.1. Aplikagarria den araudia

- Toki Ogasunei buruzko abenduaren 16ko 9/2005 Foru-Araua

- Bizkaiko Lurralde Historikoko Zergei buruzko martxoaren 10eko 2/2005 Foru Araua.

- Bizkaiko Lurralde Historikoko Zerga bilketari buruzko abenduaren 27ko 2015/2005 Foru Dekretua

-Ordezko moduan, administrazio-zuzenbideko xedapen orokorrak eta zuzenbide arrunteko manuak, bereziki, Toki Araubidearen Oinarriak Arautzen dituen apirilaren 2ko 7/1985 Legea, Toki Araubideari buruz Indarrean dauden Lege Xedapenen testu bategina onartzen duen apirilaren 18ko 781/1986 Legegintzako Errege Dekretua eta urriaren 1eko 39/2015 Legea, Administrazio Publikoen Administrazio Prozedura Erkidearena



Idazkaritza Saila. Irakaskintza 14-16 - 48370 Bermeo - Tel.: 94 617 9105 – Faxa: 94 688 5010
idazkaritza@bermeo.eus - www.bermeo.eus - IFK: P4802100J



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E4000408AB00S7A5E0G7O9E7

Sinadurea eta data

JURDANA URIARTE LEJARRAGA-IDAZKARI NAGUSIA - 15/04/2020
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 15/04/2020
14:25:22

EXPEDIENTE ::
2020IDA_ERA_0056
Data: 06/04/2020
Lekua: Bermeon
Erregistro unidatea:
Erregistro nagusia



2.2. Hausnarketa juridikoa

Lehena.- Bizkaiko Lurralde Historikoko Zergei buruzko martxoaren 10eko 2/2005 Foru-Arauaren 4.1. artikulua eta Toki Araubidearen Oinarriak Arautzen dituen apirilaren 2ko 7/1985 Legearen 4.1.a) artikulua udalei ordenantza fiskalak onartzeko ahalmena esleitu die.

Halaber, nork bere burua antolatzeko ahalmena ere esleitu dizkiete, eta horren arabera, toki erakundeek, haien eskumenen barruan, estatuko edo autonomia erkidegoko legeek xedatutakoa garatzeko ahalmena dute. Horrek esan nahi du izaera orokorreko eta legea baino beheragoko mailako administrazio xedapenak eman ditzaketela, baina xedapenok inola ere ezin izango dute legez kontrako manurik jaso.

Bigarrena.- Udalerrri osoan aplikagarriak diren udal ordenantza fiskalak onartzeko eskumena Osoko Bilkurak izango du, gehiengo soilez, Toki Araubidearen Oinarriak Arautzen dituen apirilaren 2ko 7/1985 Legearen 22.2.d) artikulua eta 47. artikulua xedatutakoaren arabera.

Hirugarrena.- Udal Ordenantzen eta Araubideen onarpenak, oro har, Toki Ogasunei buruzko abenduaren 16ko 9/2005 Foru Arauaren 16, 17 eta 18. artikulua eta Toki Araubidearen Oinarriak Arautzen dituen apirilaren 2ko 7/1985 Legearen 70.2 artikulua ezarritako prozedura jarraituko du.

1. Udal zerbitzuek Ordenantzen aldaketaren egitasmoaren artikuludun testua prestatuko dute.
2. Tasen kasuan, zerbitzuen kostuen azterketa tekniko-ekonomikoa egingo



Idazkaritza Saila. Irakaskintza 14-16 - 48370 Bermeo - Tel.: 94 617 9105 – Faxa: 94 688 5010
idazkaritza@bermeo.eus - www.bermeo.eus - IFK: P4802100J



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E4000408AB00S7A5E0G7O9E7

Sinadurea eta data

JURDANA URIARTE LEJARRAGA-IDAIZKARI NAGUSIA - 15/04/2020
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 15/04/2020
14:25:22

EXPEDIENTE ::
2020IDA_ERA_0056
Data: 06/04/2020
Lekua: Bermeon
Erregistro unitadea:
Erregistro nagusia



da 9/2005 Foru Arauaren 26. artikulua¹ arabera.

3. Aurretiazko fiskalizazio mugatua kontrakoa esan ezean, kontuhartzaileak txostena egingo du, martxoaren 5eko 2/2004 Legegintzako Errege Dekretuaren bidez onartutako Toki Ogasunak arautzen dituen legearen testu bateginaren 214. artikulua eta abenduaren 2ko 10/2003 Bizkaiko Lurralde Historikoko Toki Erakundearen Aurrekontuei buruzko Foru Arauaren 67. artikulua arabera.

4. Proposamena bideratuta Informazio Batzordearen irizpena beharko da eta, ondoren, Osoko Bilkurak hasierako onarpena emango dio, gehiengo soilaz.

5. Behin-behineko erabakien jendaurreko informazioa eta argitarapena egingo da 30 eguneko gutxieneko epean Bizkaiko Aldizkari Ofizialean, udaletxeko iragarki taulan eta probintziako islada handiko egunkari batean.

Epe horren barruan, interesdunek espedienteaz aztertu dezakete, bai eta egoki deritzoten erreklamazioak aurkeztu ere.

6. Aipatutako epearen barruan aurkeztu diren erreklamazio nahiz iradokizun guztiak ebatzi beharko dira, eta Osoko Bilkurak behin betiko onartuko ditu ordenantza fiskalak (aurretiaz Informazio batzordearen irizpena beharko da).

Erreklamaziorik aurkeztu ezean, ulertuko da Ordenantza automatikoki behin betiko onartuko dela. Ondorio horietarako, Idazkariak ziurtagiria egingo du hasierako onarpena behin betiko bihurtu dela egiaztatzeko.

7. Behin betiko erabakia edo hala bihurtu den behin-behineko erabakia eta aldatutako ordenantzen testua Bizkaiko Aldizkari Ofizialean argitaratuko da.

Ez da indarrean sartuko argitaratze hori gauzatu arte.

¹ Txosten tekniko-ekonomikoak ikusirik hartu beharko dira jabari publikoaren erabilera pribatiboa edo aprobetxamendu berezia egitearen ondoriozko tasak ezartzeko erabakiak nahiz zerbitzu berriak osorik edo zati batez finantzatzekoak; txosten horietan, agerian jarriko da halako zerbitzuen merkatu-balioa edo haien kostua nola estaliko aurreikusten den, hurrenez hurren. Ez da aurreko lerroaldean aipatzen den txosten tekniko-ekonomikoa behar errebalorizazio edo eguneratze orokorrek eragindako erabakiak hartu nahi badira, ez eta tasen zenbatekoa gutxiti nahi denean ere, salbu eta haiei dagozkien zerbitzuen kostua nabarmen gutxituko denean.



Aurretzako kontsulta publikoa dela eta, urriaren 1eko 39/2015 Administrazio Publikoen Prozedura Administratibo Erkidearen 133.1 artikuluan aurretzako kontsulta publikoa ezartzen da ordenantzak onartzeko prozeduran. Hala ere, kasu honetan eraldaketa baten aurrean gaudenez, eta 2018ko urtarrilaren 10eko Estatuko Idazkaritzaren Tributuen zuzendaritza orokorraren txostenarekin bat etorriz, ez da beharrezkoa ikusten aurretzako kontsulta hori egitea, nahiz eta praktika on bat izan.

3. Ondorioa


Hori guztia kontuan hartuz, ematen du espedienteak legeak ezarritako gutxienekoak betetzen dituela. Ondorengo pasuetarako txosten honetan ezarritakoa kontuan izan beharko da.

Hori da nire ustea, zuzenbidean oinarritutako bestelako irizpideen kalterik gabe. Hori horrela, Osoko Bilkurak egoki deritzona erabakiko du.

Orrri oinean sinatzailea eta data



Idazkaritza Saila. Irakaskintza 14-16 - 48370 Bermeo - Tel.: 94 617 9105 – Faxa: 94 688 5010
idazkaritza@bermeo.eus - www.bermeo.eus - IFK: P4802100J

	Agiri hau benetakoa dala udalaren egoitza elektronikoan egiaztatu ahal dozu. Kodea: 07E4000408AB00S7A5E0G7O9E7	Sinadurea eta data JURDANA URIARTE LEJARRAGA-IDAZKARI NAGUSIA - 15/04/2020 CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 15/04/2020 14:25:22	EXPEDIENTE :: 2020IDA_ERA_0056 Data: 06/04/2020 Lekua: Bermeon Erregistro unidatea: Erregistro nagusia
--	--	--	---

